



Kws Kos Duab Cov Lus Hais Txog Kev Kos Duab nyob ntawm CLUES Txog Cov Neeg Latinx

Kev Kos Duab nyob ntawm CLUES (Comunidades Latinas UnidasEnServicio) Txog Cov Neeg Latinx tau tsim tawm los qhia txog cov neeg Latinx nyob hauv Minnesota, uas lub ntsiab yog hais txog cov poj niam Latina, xwv sawv daws thiaj pom tau thiab los paub txog lub xeev Minnesota yav keeb kwm dhau los, niaj hnuv no, thiab yav pem suab kom txhij txhua thiab kom zoo dua qub. Pab pawg neeg no tau nqes tes siv ib txoj kev sib pab koom tes ua ke uas yog muaj cov kws kos duab ib yam li Marina Castillo, ZamaraCuyún, Aaron Johnson-Ortiz, thiab Gustavo Lira ua cov ntaus thawj. Nws tseem muaj ntau tshaj ntawm 10+ tus kws kos duab tau koom tes pab kiag ntawd thiab pab lwm txoj kev sab nraud kom tsim tau daim duab no. Daim duab no kuj tseem tau txais cov tswv yim zoo los ntawm lub zej zos, xws li cov txwj laus Latino thiab cov ntxhais hluas Latina.

Tsoom neeg Latinx – tshwj xeeb yog cov uas hu tias Mexican-American – tau muaj feem koom rau hauv keeb kwm Minnesota txij thaum xyoo 1800s yuav los xaus thiab thaum pib xyoo 1900s. Qhov no tau ua rau cov zej zos muaj kev vam meej hauv St. Paul – uas yog cov zej zos uas tom qab ntawd kuj tau raug muab txav chaw thiab lwm tawm nyob rau ntau lub sij hawm. Cov neeg ua hauj lwm ua qoob ua loo thiab ua liaj ua teb, feem ntau yog cov muaj keeb kwm caj ces Mexican, tau muaj feem koom tseem ceeb rau fab lag luam thiab kab lis kev cai nyob rau hauv keeb kwm Minnesota. Qhov no tau muaj nyob thoob plaws hauv lub Xeev li keeb kwm feem ntau. Vim txoj kev coj noj coj ua ib txwm coj los nyob hauv sab Western uas txiv neej yog cov tswj uas ua rau cov poj niam nyob ntsiag to tsis nrog luag tawm suab thiab tsis pom tshwm ntsej tshwm muag, cov poj niam Latinx thiaj tau raug muab kaw cia tsis pom lawv tshwm thiab raug muab lwm tawm ntawm peb xeev Minnesota lub neej kev coj noj coj ua.

Peb daim duab yog ib tus poj niam, ib tus neeg ua hauj lwm, sawv nres nroos khov kho, qhia kom paub txog nws cov kev ua tau thiab kev muaj feem koom ntau yam rau lub zej zos uas kheev tsis muab saib muaj nuj nqis. Nws rau cov tis ya ntawm tus poj huab tais npauj npaim, uas nws txoj kev tsiv teb tsaws chaw yog ntawm Mexico mus rau United States raws tib txoj kev uas peb cov txheeb ze Latinx tau taug yav dhau los. Nyob tom nws qab yog cov liaj teb uas muaj coob leej ntau tus tau siv lub dag zog ua kom thiaj muaj lub vaj lub tsev thiab muaj lub neej nyob ntawm no. Nyob ntawm sab laug, muaj cov pob kws cog raws sab npab. Ib yam khoom noj muaj nqis, nws yog ib lub cim tseem ceeb xeeb txawm los yug tib neeg txoj sia. Niaj hnuv no, nws yog yam khoom cog naj npawv ib nyob hauv Minnesota. Nyob rau ntawm txhais ko taw ntawm ob txhais tes yog sawv Latinx cov tswv cuab qhia txog qhov peb muaj ntau yam sib txawv thiab peb li qub txeeg qub teg khaws cia.

**For more information on the Ramsey County Courthouse/St. Paul City Hall
Council Chamber Art Project, full artists' statements and more, see
<https://www.rchs.com/news/chamber-art/>**

